

Reykjavík, 15. ágúst 2018

Umhverfis- og auðlindaráðuneytið
Skuggasundi 1
101 Reykjavík

Efni: Athugasemdir Orkuveitu Reykjavíkur við aðgerðaráætlun um innleiðingu Árórsarsamkomulagsins

Vísað er til tillögu að aðgerðaráætlun 2018 – 2021 fyrir eftirfylgni stjórnarsáttmála og landsskýrslna Íslands um innleiðingu Árórsarsamningsins, sbr. drög 28.6.2018, UMH18010038.

Eftirfarandi eru athugasemdir Orkuveitu Reykjavíkur, Veitna og Orku náttúrunnar við tillöguna. Þar sem eftirleiðis er vísað til OR er því verið að vísa til samstæðunnar í heild sinni og afstöðu hennar.

OR fagnar að undirbúningur er hafinn við vinnu að aðgerðaráætlun til að tryggja fullnægjandi innleiðingu Árórsarsamningsins hér á landi. Aðkoma og réttindi almennings og félagasamtaka er mikilvægur þáttur við undirbúning framkvæmda og ákvarðanatöku og forsenda slíkrar aðkomu er að skilvirkir ferlar séu til staðar til að tryggja samráð.

OR leggur áherslu á mikilvægi fræðslu og samráðs milli hagaðila og telur að ekki beri að einskorða slíkt við ríkisstofnanir (sbr. aðgerð 1). Fyrirtæki og aðrir aðilar sem ekki heyra undir ríkisstofnanir búa yfir viðamikilli þekkingu og reynslu sem getur reynst dýrmæt fyrir stjórnvöld og ber að nýta, t.d. við skipan nefnda og starfshópa á vegum umhverfis- og auðlindaráðuneytisins (sbr. aðgerð 7). Enn fremur væri æskilegt að styrkja aðkomu fyrirtækja sem umsagnaraðila til að nýta þessa þekkingu og reynslu þegar kemur að vinnslu stjórnvaldsfyrirmæla.

Enn fremur telur OR mikilvægt að þátttökuréttindi séu ekki einskorðuð við áform umhverfis- og auðlindaráðuneytisins, heldur ættu að gilda almennt fyrir önnur ráðuneyti þegar unnið er að lögum og reglugerðum sem snerta á efnissviði samningsins (sbr. aðgerð 5).

OR og dótturfyrirtæki hennar lýsa sig reiðubúin til að taka þátt í frekari undirbúning aðgerðaráætlunarinnar og öðru starfi við innleiðingu Árórsarsamkomulagsins.

Virðingarfyllst,



Hólmfríður Bjarnadóttir
Skipulagsfulltrúi Veitna



Íris Lind Sæmundsdóttir
Lögræðingur Orkuveitu Reykjavíkur